

Oleh **Rosniza Mohd Taha**
 yoniza@mediaprima.com.my

► Kuala Lumpur

UMP jalin kerjasama dengan 4 IPT Turki



Universiti Malaysia Pahang (UMP) meneroka kerjasama bidang teknologi dan kejuruteraan dengan negara Islam menerusi memorandum persefahaman (MoU) dengan empat institusi pengajian tinggi (IPT) Turki.

Naib Canselornya, Prof. Datuk Dr. Daing Nasir Ibrahim, berkata MoU terbabit adalah kesinambungan pemeteraian perjanjian UMP dengan Malaysian Turkish Dialogue Society pada Mac lalu yang membantu pihaknya memilih universiti berpotensi tinggi di Turki untuk menjalinkan kerjasama berkaitan.

*BH (Varsiti)
 Khamis 30/5/13 MN/4*

"Sebelum ini kita menjalin kerjasama dengan negara maju termasuk Amerika Syarikat, China, Ireland dan Jerman dan kini beralih ke negara Islam pula bagi mempelbagaikan penerokaan kerjasama akademik dan penyelidikan.

"Kami percaya banyak pencapaian mampu diperoleh menerusi kerjasama dengan IPT Turki yang mempunyai kekuatan ilmu dalam pelbagai bidang dan disegani negara Eropah selain kestabilan politiknya," katanya dalam sidang media Majlis MoU UMP dengan IPT Turki di sini, baru-baru ini.

Turut hadir, Timbalan

Naib Canselor (Akademik dan Antarabangsa) UMP, Prof. Datuk Dr. Ir. Badhrulhisham Abdul Aziz dan Ahli Lembaga Eksekutif Pengajian Tinggi Turki, Prof. Dr. Durmus Gunay.

Perancangan aktiviti
 IPT terbabit ialah Suleyman Sah University, Sakarya University, Karabujuk University

dan Selcuk University. Enam bidang utama dikenal pasti bagi kerjasama itu iaitu penyelidikan, akademik, pascasiswazah, program akademik jangka pendek bagi pelajar siswazah serta ijazah berkembar bagi pelajar siswazah dan pascasiswazah.

Prof. Daing Nasir berkata, aktiviti yang dilaksanakan dalam tempoh terdekat adalah pertukaran pelajar bagi tempoh satu semester diikuti penawaran program pengajian bersama serta disusuli kerjasama penyelidikan.

Beliau berkata, pihaknya yakin walaupun Suleyman Sah dan Karabujuk universiti baru, kedua-dua universiti itu mempunyai kekuatan tersendiri yang boleh dimanfaatkan.

"Walaupun masih baru seperti UMP, universiti terbabit mempunyai keunikan, tenaga dan kesungguhan, malah bergerak lebih pantas kerana sentiasa mencari peluang kerjasama untuk maju," katanya.

“KERJASAMA DENGAN IPT TURKI YANG MEMPUNYAI KEKUATAN ILMU DALAM PELBAGAI BIDANG DAN DISEGANI NEGARA EROPAH SELAIN KESTABILAN POLITIKNYA”

Prof. Datuk Dr. Daing Nasir Ibrahim
 Naib Canselor UMP



Prof. Daing Nasir empat dari kanan bergambar bersama dengan wakil UMP dan tiga wakil dari Universiti Turki.